


Mwa ano gwòm Herodes á kyem mā hwey Dagwi wet. E bama de ba gyong Yosef eji ngwi, a jut Marya na Yesu ba kye wo leré hen e Misra.



Jeng de Herodes a ku, Yosef a jut Marya tanga Yesu ba hala Misra.

Bá sangal eji ke repomo Nazaret bagat na rôt Galili.


19

20

Tô Yesu
 Yá yi e há Dagwi, Bwok Basa Dagwi
 Ba se eji
 Matayus 1-2, Luka 1-2
 “Yêl rehâ mo he nong negbey.”
 Lêlê 119:130

21

22



Tô Yesu

Blank space for text.

23

Mwat de a jeg: Edward Hughes
 Mwat de a dunga: M. Maillot; Alastair Paterson
 Mwat de a doyo ha mo: christian-translation.com
 Mwat de a ye ey: E. Frischbutter; Sarah S.

Yá yê 36 eji ye 60


M1914.org

Bible for Children, PO Box 3, Winnipeg MB R3C 2G1 Canada


Reto: Hwa vog reto na hwo hasa ke hwo dak yá yemo e bebok berang ka sede hwô ra me nejik wet.

Dagwi a tok wot a ga ragas pyé vyes yemo de ya se nen e kwon me. Tabák nen o he a reku.
 Dagwi a simi hot sizong yaga ano a tomo hwey me Yesu na he ku era cogot kak yaga benen mot. Yesu a vey na neken ko a to to e vog e Lagwi! Rémo Dagwi é tok hala a wot benen mot.
 Ka hwo simi na hwo doyo yi e benen mo, há a Dagwi ngan:
 Á Dagwi, ma nong sago Yesu a ku yaga me ko a to se na neken. Gabok vey eji me na hwo hala a me benen hong yaga na me bin sè neken na me to sangal tanga hwo gbak gbak. Sele me na me té me hwey mo. Ano. Yohana 3:16
 Dôp basa Bwok Basa Dagwi na hwo to ha na ye kahe gasi.

Berom



Yi rane, Dagwi à tomo tom Lagwi Gabriyel vog na hwóng BeYahuda hwak de bá yila he a Marya.



“A yang e, hwo kye wo to hwey ko hwô vo a he rezâ Yesu. Bê ba yila he a Hwêy Wo Reto Mwa. Segwom me hê vog yene wet”.

1

2

"Hê te e rē?" hwong o a langat he ko a rangal. "Yaga me ma se sangal na rwas wet" Tom o a yang Marya, hwey o hê vey yi e kwon Dagwi. Ê se yi na da wo rebek wet.




3

Tom o wa to yang Marya wogo gwa me Elisabet a vög jim eji kwoba me. Hemo ha se pye langat arong. Ziri, Marya a wo yang Elisabet shou. Yen a hwo somo Dagwi mwa hen.



4

Mwat hwak reza me a Yosef á hwono Marya. Yosef á se borok sizong jeng de a wok wogo Marya a vög jim. Á se dahap wago e mwat hwak a dá hwey o.




5

Eji ngwi, tom Dagwi a yang Yosef wogo hwey hane mo ha se hwêy Dagwi. Yosef a se mwat de é sele Marya de ras Yesu.



6

Yosef a sey ha mo ko a te gap me era Dagwi. Ko a to gyeng bedu vwel me arong. Yaga redu pas o, ye na Marya ba kye vög e pomo men, Betlehem na be wo tala dyam men ye vwel.



7

Marya aga kana wul jeng tō hwey me. Ko Yosef a kyem tok se a yen duk sangal wet. Mwa beduk o baga shilsa.




8

E yene mo Yosef a kyem se a yen duk sangal vwel. E hwomo ba to Yesu. Ngwo me a to e eji shi, kwon rê pye ngyama.



9

Bagat e hwomo, belék vwel bá se e polo e dem gyeng vwel men. Tom Dagwi wa nusu ko wa há a yen pye langat de ya te. "Eji repomo Davit baga to a yin Mwat Pat min ye a Darwey Yesu. Yin e di hwey o eji shi rê pye ngyama".



10

Rêmo remo, betom lagwi shot ba nusu ko ba hwo somo Dagwi ba tē, "Nerey vög na Dagwi eji lagwi, ko eji jey, ntyang vög na bemat berat".




11

Bemat gyeng vwel o ba sogo ziri vög e hwomo. Jeng de yen a di hwey o, ba kye ba wo há bemat pye de betom lagwi mo ba há yen era Yesu.




12

E bamâ polo kuru naas, Yosef na Marya ba kye na Yesu vög e duk re folong e Yerusalem. Mwat hwak á se de ba yila he a Semiyon a somo Dagwi yaga hwey o, hwa hwak arong de ba yila he a Ana, sam Darwey, á dunga feng me arong.




13

Mwa yen beba bá tok wogo Yesu a se hwey Dagwi, mwat sey bemat. Yosef a jut benon beba a nara me nōrō yas de be yet vög na Dagwi. Hemmo ha se nōrō de redu Dagwi ha ye bepeng bê nong jeng de be nara hwey pas e nuyel Dagwi.




14

E jeng cak, ke tangacen kehak ka kye na bemat siseng behak yi e rwa rak wo e Yerusalem.




15

Gwom Herodes a wok era be kenet o. Pye mo ya borok he, ko a yang en ka sede yen a se hwey o ko be ha ye. "Me arong me simi na me re a ye nefolong." Herodes a ye. Ko á se ha bos zong. Herodes á se simi na a mōrō Yesu.



16

Ke tangacen o ka kye na bemat o vög e kwon de Marya tanga Yosef ba se sangal e mwa na hwey o. Be kenet o ba hwo ye guduruk ba re a ye nefolong ko ba nong Yesu nenōrō dyam shinang na nsang sholol.



17

Dagwi a gyong bemat o na be to en vög e lo men e lere. Herodes a te fuu sizong. Yaga a yong é na a wey na Yesu, gwom vwes wane mo a mobos mwa ney bewen e Yerusalem.



18